



Broj: 17-06-1-02-3-55/16
Datum: 18.04.2016. godine

Na osnovu člana 15. Zakona o Graničnoj policiji Bosne i Hercegovine ("Službeni glasnik BiH" broj: 50/04, 27/07 i 59/09), člana 69. stav (2) tačka d) i člana 70. Zakona o javnim nabavkama Bosne i Hercegovine («Službeni glasnik BiH» broj: 39/14), direktor Granične policije Bosne i Hercegovine, d o n o s i

ODLUKU

I

Prihvata se preporuka Komisije za javne nabavke, da se okonča, odnosno poništi Konkurentski postupak za nabavku usluga servisa i popravke čamaca za potrebe Granične policije Bosne i Hercegovine, iz razloga što jedina pristigla ponuda nije prihvatljiva.

II

Odluka stupa na snagu danom donošenja.

O b r a z l o ž e n j e

Granična policija BiH Odlukom broj: 17-06-4-16-2-30/16 od 22.03.2016. godine pokrenula je postupak javne nabavke usluga servisa i popravke čamaca za potrebe Granične policije Bosne i Hercegovine. Na javnom otvaranju ponuda održanom 18.04.2016. godine konstatirano je da je u ostavljenom roku pristigla samo jedna ponuda i to ponuđača:

„YAMAHA SERVIS“-„BEKA COMMERCE“ d.o.o. Sarajevo, sa ukupnom cijenom ponude po lotovima kako slijedi:

- Za **LOT 1:** Servisiranje i popravak čamaca na lokaciji Neum 2.802,34 KM bez PDV-a;
- Za **LOT 2:** Servisiranje i popravak čamaca na lokaciji Višegrad 1.588,08 KM bez PDV-a;
- Za **LOT 3:** Servisiranje i popravak čamaca na lokaciji Brčko 4.317,98 KM bez PDV-a.

Ponuda ponuđača „G NAUTICA“ je kod Ugovornog organa pristigla nakon isteka roka za prijem ponuda određenog tačkom 27. Tenderske dokumentacije, te je konstatovano da je ista neblagovremena i ista će se neotvorena vratiti ponuđaču.

Pregledom blagovremeno pristigle ponude, odnosno ponude ponuđača „YAMAHA SERVIS“-„BEKA COMMERCE“ d.o.o. Sarajevo, utvrđeno je da ista nije kvalificirana, odnosno prihvatljiva, iz razloga što navedeni ponuđač nije ispunio uslov koji se odnosi na uspješno iskustvo u realizaciji najmanje jednog ugovora o pružanju usluga servisa i popravke čamaca u prethodne tri godine, to jest, nije dostavio potvrdu koju daje druga ugovorna strana o realizaciji ugovora, niti je dostavio dokaze o učinjenim pokušajima da se takva potvrda osigura, kako je to propisano tačkom 15. Tenderske dokumentacije.

Članom 69. stav (2) tačka d) Zakona o javnim nabavkama Bosne i Hercegovine propisano je da je ugovorni organ obavezan poništiti postupak javne nabavke ako nijedna ponuda nije prihvatljiva. Na osnovu naprijed navedenog odlučeno je kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi Bosne i Hercegovine u roku od 5 (pet) dana od dana prijema iste. Žalba se predaje putem Granične policije Bosne i Hercegovine.

DOSTAVITI:

- Ponuđačima (x1)
- Odsjek za poslove nabavke i logistike
- A/a

DIREKTOR
Glavni generalni inspektor

Zoran Galić